



FONDS LANDSCHAFT SCHWEIZ (FLS)
FONDS SUISSE POUR LE PAYSAGE (FSP)
FONDO SVIZZERO PER IL PAESAGGIO (FSP)
FOND SVIZZER PER LA CUNTRADA (FSC)

Communicaziun a las medias

Il rapport da lavur dal FSC 2019/2020 è cumparì (Bulletin dal FSC nr. 60)¹

Sustegnì 210 projects, sviluppà la strategia per ils proxims diesch onns: il FSC ha cumenzà ses quart decenni

Dapi ch'il Parlament federal ha prolungà per diesch onns las basas legalas dal Fond Svizzer per la Cuntrada FSC, crescha il dumber da dumondas per contribuziuns da promoziun puspè: ils ultims dus onns ha il FSC pudì sustegnair 210 projects. En il rapport da lavur dal FSC 2019/2020 preschantan ils commembers da la cumissiun dal FSC singuls projects. L'instituziun drizza sia eglia da però era vers l'avegnir: sin ils novs accents ch'il FSC vul metter ils proxims diesch onns.

In mir sitg reparà en las autas muntognas, in aual renaturalisà en la Svizra Bassa, in gaudet da chastagners istoric al Lai da Geneva, tetgs da crap renovads en in aclaun tessinois originar, novs paltauns per amfibus ed abitadis per mustailas, ers terrassads refatgs ch'envidan da cultivar té – quai è mo in pèr exempels che mussan la gronda diversitad dals projects ch'il Fond Svizzer per la Cuntrada FSC sustegna. En il rapport da lavur 2019/2020 preschantan ils commembers da la cumissiun dal FSC ils projects cun plets e maletgs en rapports persunals.

Ils davos dus onns ha la cumissiun dal FSC pudì garantir contribuziuns finanzialas a 210 projects en l'autezza dad en total 8,8 milliuns francs (→ Chascha 1: Exempels da projects sustegnids). La presidenta dal FSC Verena Diener constatescha en ses epilog ch'il dumber da las contribuziuns concedidas sco er il dumber da dumondas da sustegn per il temp da gestiun mussian «per fortuna puspè ina tendenza creschenta»: «Fin l'onn 2018, cura che la cuntinuaziun dal FSC suenter l'onn 2021 er anc intscherta per motivs politics, èn questas cifras sa svilupadas a moda regressiva. Ma cun la decisiun dal Parlament federal dal 2019 da laschar agir il FSC in ulteriur decenni, para l'intschertezza dad esser tschessada.»

Trais champs d'acziun novs – a la tschertga dad «ideas innovativas»

Il FSC pudess investir era vinavant dapli daners a moda raschunavla che quai ch'el ha a disposiziun sco instrument da promoziun federal independent da l'administraziun. Il Parlament federal ha fundà il FSC il 1991 a chaschun dal 700avel anniversari da la Confederaziun per crear «insatge da valor durabla». Suenter trais decisiuns da prolungaziun dal Parlament federal po il FSC cumenzar il 1. d'avust 2021 ses quart decenni. La cumissiun dal FSC ha elavurà ina strategia per quella perioda. La strategia empermetta ch'il FSC veglia

¹ Ils Bulletins dal FSC pudais Vos retrair ed abunar gratuitamain dal:

Fond Svizzer per la Cuntrada FSC, Thunstrasse 36, 3005 Berna, info@fls-fsp.ch

Vus pudais er als leger e telechargiar sco PDF sin la pagina-web dal FSC: www.fls-fsp.ch

cuntinuar cun sia activitad da promoziun cumprovada, però era metter novs accents.

Ilis trais champs d'acziun novs duain permetter al FSC da «tegnair quint dals midaments adina pli svelts en la cuntrada e da las sfidas globalas sco la midada dal clima e la sperdita da la biodiversitad». Cun quests pleds descriva il commember da la cumissiun dal FSC Andreas Stalder en l'editorial dal rapport da lavur la finamira dals novs accents. Concretamain vai per las suandantas novaziuns:

- **Focus dal FSC:** Il FSC vul metter ils proxims diesch onns trais accents tematics: cun activitads spezialas sut il titel «Focus dal FSC». Quels duain permetter novas perspectivas sin las cuntradas culturalas en accord cun la natira e contribuir a la sensibilisaziun dals umans per lur relaziun cun la cuntrada. Ultra da quai duain els cumprovar ch'igl è pussaivel d'integrar megatemas actuals en la lavur dal FSC. Cun quest emprim accent vul il FSC render attent a la correlaziun da projects en favur da la cuntrada cun la tematica dal clima ed a las qualitads da la cuntrada che gidan a mantegnair la diversitad biologica.
- **«Flatgs alvs»:** Il FSC vul daventar pli e pli activ en regions, nua che la cuntrada culturala en accord cun la natira e sias qualitads d'antruras èn gia per gronda part svanidas e/u nua ch'il FSC ha pudì promover l'ultim temp mo fitg paucs projects. Cun quest segund accent na vul il FSC betg revitalisar primarmain veglias furmas da cuntradas culturalas, mabain sviluppar ensemen cun ils acturs locals novas furmas ed utilisaziuns da cuntradas culturalas ch'èn però adina er adattadas al lieu e specificas per la regiun. Ina sfida speziala è en quel regard il spazi d'aglomeraziun periurban che crescha fermamain.
- **«Ideas innovativas»:** Cun il terz accent vul il FSC per finir promover pli fitg propostas d'agir innovativas en favur da la valorisaziun da la cuntrada e sustegnair novas modas d'avischinaziun e constellaziuns d'acturs (→ Chascha 2: Il FSC tschertga «ideas innovativas»).

Sustegnì 2900 projects cun 160 miu. francs

Ilis 3 da matg, a chaschun da ses 30avel di da fundaziun, ha il FSC lantschà l'ultima tschertga menziunada per rimnar «ideas innovativas». Per quest giubileum è cumparì il Bulletin dal FSC nr. 59 che cuntogna in viadi en il temp passà cun pleds e maletgs tras l'istorgia da success dal FSC da fin ussa. En total ha il FSC pudì promover dapi sia fundaziun passa 2900 projects per il solit locals u regionalis en tut las parts da la Svizra, per ils quals el ha impundì gia bunamain 160 miu. francs.

Ina part da quests meds da promoziun derivan da la collavuraziun da blers onns cun la *Fundaziun Sophie e Karl Binding* e la *Fundaziun Ernst Göhner*. En il passà han era chantuns e vischnancas sustegnì l'engaschi dal FSC cun contribuiziuns voluntaras ed adina puspè dastga el era prender encunter donaziuns da personas privatas e las impunder per projects che meritan sustegn. Il rapport da lavur, ch'è cumparì sco Bulletin dal FSC nr. 60, cuntogna ultra da bleras illustraziuns er indicaziuns statisticas, tabellas e graficas davart l'activitad da promoziun sco era davart l'engaschi dal FSC repartì sin ils differents chantuns.

09-07-2021

Bruno Vanoni, incumbensà d'infurmaziun

Per ulteriuras infurmaziuns: www.flis-fsp.ch 031 350 11 54 / vanoni@flis-fsp.ch

Chascha 1:

Exempels da projects sustegnids

Quests projects ha il FSC sustegnì il 2019/2020 cun las pli grondas contribuziuns (a partir da 100'000 francs, garantids per quels dus onns):

- Wiederherstellung Schlosspark Arenenberg - Teil 2, Salenstein TG (contribuziun dal FSC: 100'000 CHF)
- Recupero selva castanile e valorizzazione paesaggio terrazzato in località Pianelli, Val Lavizzara TI (100'000 CHF)
- Revitalisation du ruisseau de Châtillon, Delémont/Haute-Sorne JU (100'000 CHF)
- Sanierung Trockensteinmauern Schwyz 2020-2023 (CHF 100'000)
- Paesaggio Avegno - nuovo progetto di valorizzazione del paesaggio, Avegno TI (100'000 CHF)
- Sanierung Trockenmauer in der Terrassenlandschaft Regensberg, Regensberg ZH (100'000 CHF)
- Paesaggio San Bernardo, Locarnese TI (103'000 CHF)
- Ausdolung des Dorfbachs beim Mattenhof, Alberswil LU (110'000 CHF)
- Jurapark Aargau: Aufwertung historische Verkehrswege Chalm - 2. Etappe, Schinznach AG (110'000 CHF)
- Aufwertungsmassnahmen Naturnetz Pfannenstil, Projektjahre 2019-2020, Pfannenstil ZH (115'000 CHF)
- Sanierung Stockalperweg im Abschnitt Gampisch - Simplon-Dorf, Simplon VS (115'000 CHF)
- Valorizzazione del paesaggio Calvari, II tappa, Val Calanca GR (115'000 CHF)
- Paesaggio Monti di Dongio e Valle della Döisgia - Interventi prioritari di valorizzazione del paesaggio 2018-2022, Valle Blenio (116'000 CHF)
- Sanierung der historischen Natursteinmauern, Bürglen UR (120'000 CHF)
- **Sanierung Trockenmauern Parc Ela GR, 4. Etappe 2020-2023 (128'000 CHF)**
- Blühendes Leben von Sargans bis zum Bodensee 2019 - 2021, St. Galler Rheintal SG (140'000 CHF)
- SOS Vergers - Phase IV, plantations des arbres fruitiers haut-tige en Suisse romande (145'000 CHF)
- Paesaggio Selvapiana - Progetto di valorizzazione del paesaggio, Valle Blenio, Serravalle TI (147'000 CHF)
- Landschaftsprojekt oberes Tösstal, 2019-2021, Tösstal ZH (150'000 CHF)
- Verbundprojekt Kastanienhaine Zentralschweiz 2020-2022 (CHF 190'000, inkl. Beiträge der Sophie und Karl Binding Stiftung / Ernst Göhner Stiftung)
- Revitalisierung Steinbach, Winterthur ZH (200'000 CHF)
- Réhabilitation de la châtaigneraie historique de St-Gingolph, Chablais VS (290'000 CHF, inkl. Beitrag der Sophie und Karl Binding Stiftung)
- Allmein Geimerhorn, Naters VS (330'000 CHF, inkl. Beitrag der Ernst Göhner Stiftung)

Chascha 2:

Il FSC tschertga «ideas innovativas»

L'engaschi per mantegnair, revalitar e renaturalisar cuntradas culturalas ecologicas vegn adina pli pretensius en consequenza da la midada dal clima, la biodiversitad adina pli pitschna, la construcziun sparpagliada, la sminuziun da la diversitad e qualitad agricola ... Ils progress technics, la digitalisaziun e la schientscha adina pli gronda per las valurs da la cuntrada permettun però era novas vias. Complementarmain a sias activitads da promoziun d'enfin qua vul il Fond Svizzer per la Cuntrada FSC intimar e sustegnair a moda intenziunada ideas innovativas en favur da la cuntrada.

Il FSC tschertga "ideas innovativas" en favur d'in svilup persistent da cuntradas culturalas ecologicas: novas modas da proceder, realisaziuns innovativas, novs aspects da la cuntrada e furmas d'utilisaziun modernas – u ditg cun auters plets: respostas a las sfidas dal 21avel tschientaner.

Avais Vus concepts ch'i vala da sviluppar a projects realisabels e duvrais Vus sustegn per far quai? Nus tschertgain però era projects innovativs gia elavurads che s'occupan dal svilup da la cuntrada e che pon vegnir realisads svelts. Vus survegnis contribuziuns da promoziun per instruments novs, per modas da proceder modernas e per technicas innovativas che sustegnan in svilup da la cuntrada persistent en il senn dal FSC. Nus concedin dentant era contribuziuns per mesiras, cuntegns ed objects novs. Nus avain l'intenziun da sustegnair particularmain era projects che sviluppan vinavant u interpreteschan da nov elements tradiziunals da la cuntrada culturala e da lur furmas d'utilisaziun.

www.flis-fsp.ch